

Et subeunt aditus pugnantum robore factos.  
 Vi capitur turris, labor est immensus in illa.  
 Crescit, & artificum citò fit molimine major.  
 Signa super ponunt, & clamant mœnia capta.  
 Undiq; concurrunt, passim properatur ad arma:  
 Tutantur Mauri jaculis gladiisque fenestras  
 A Latiis factas, quorum promptissimus acri  
 Dum perstat pugna, caput emittitque fenestra,  
 Tensum ab Alphæo profertur crinibus extra  
 Absciditurque caput, nil proficiente Rasulla.  
 Jam patet introitus, pubes Alphæa subintrat,  
 Læta, fugit moribunda phalanx, repetitq; cœcta  
 Urbem, quæ regis fat parvula circuit arcem.  
 Occubere tamen plures ferro, quibus extra  
 Latè perfusus cruor extitit experimento.  
 Circumstans Pisana manus muralia frangit  
 Robora cum tectis, binasque ad mœnia turres  
 Festinando trahit, formidine barbara turba  
 Concutitur, poscunt vitæ tutamina pauci.  
 Alphæi nec concedunt, nec pacta refutant.  
 Pars scalis innixa subit, pars funibus acta  
 Excelsas scandit nec inerti robore turres.  
 Barbara gens faciendo fugam conscendit in  
 arcem:  
 Arx invicta stetit bellis superanda cruentis,  
 Septem protensas protraxit in aëra turres  
 Sat plus sublimes quàm celsa theatra Quiritum.  
 Pontica vis latè præruptis subdita saxis  
 In tuto positæ latus unda proluit arcis,  
 Partibus à reliquis fossa circumdatur alta amplata  
 Hanc tutabantur fortes per prælia mille,  
 Et Daryana super positas duo robora turres  
 Audaces pariter nitebantur retinere,  
 Monstrabantque suos validos in bella furores.  
 Dum dant assaltus crebros, dum vulnera miscunt,  
 Dum perimunt plures, multos fundendo cruores  
 Turribus insistens geminis Alphæa juvenus  
 Mœnia tutantes duos deterret iberos.  
 Tormenti jactu muri sternuntur, & hostes,  
 Quas arces pulsat, quatit & densissima moles.  
 Maura manus murum per quæ testudo trahenda  
 Obstantem turrem juvenilibus acta petebat  
 Viribus in celerem mox compulit ire ruinam.  
 Angulus impulsus turris ruit; improba turba  
 Protinus inde fugit, scala Raymundus in ipsam  
 Scandit, terque decem Mauros pugnando fuga-  
 vit;  
 Hinc audax quendam prosternit cuspide vasta,  
 Insistens gladio multos perimit feriendo.  
 His reliquos sequitur lætis successibus hostes.  
 Diffugiunt alia dimissa barbara turri  
 Agmina præcipiti saltu, sed quinque superstant.  
 Hi trabe percutiunt pugnantem, fortius ille  
 Perstat; tunc validi saxi confringitur ictu,  
 Oraque cum mediis moles projecta resolvit  
 Faucibus hinc lapsus de muro concidit alto.  
 Belligerator obit, cœli de carne solutam  
 Accipiunt animam, focii deslendent amores.  
 Notus, & ignotus lacrymas dant, atq; querelas,  
 Et gemitus pariter mistunt communiter altos.  
 Accedunt acies, turri supponitur ignis,  
 Perque gradus Ugo scalæ fastigia scandit.  
 Quinque superstantes adversis viribus hostes,  
 Conantem juvenem multo stridore coarctant.  
 Denique conanti poterat succurrere nemo,  
 Millenos ictus clypeo, galeaque ferenti,  
 Longa laboris erant nimium toleranda pericla.  
 A prima solis subit hic certamina luce,  
 Quæ nonam sanè durare videntur in horam.  
 Accensis animis tandem quidam fociorum,  
 Ingreditur turrim prudenter, summaque scandit,  
 Et dum quinq; petunt nudis mucronibus ipsum,  
 Ugo subit turrim, binique subinde sequuntur,  
 Tom. VI.

A Primus & hinc gladio mox privat vertice Mau-  
 rum,  
 Atque rota posita clypeum velociter hujus  
 Accipit, & binos stricto mucrone recidit.  
 Ast alios binos bini stravere sodales.  
 Arx finè profuso nūquam superanda cruore  
 Restabat, sed eam Pisana potentia circum  
 Observatque simul, venatrix utpote turba  
 Horrendos urfos servat, cohibetque caverna.  
 Rex novus interea factis perterritus istis,  
 Postquam Cometa vidit Pisano robore vinci,  
 Vivus ut evadat timidas se flectit ad artes,  
 Expertosque satis promissis implet amicos,  
 Et rate vectus abijt, septem comitantibus illum,  
 Qui Baleare solum dudum rexere priores.  
 B Hunc Dodo, qui vigili servaverat æquora cura,  
 Sulcantem pelagus cæpiens ad castra reduxit.  
 Christicolæ nuper duris macerare catenis,  
 Compedibus tentus rex ferrea vincla subivit.  
 Hinc Baleæ populus Regem sibi fecit Alanta  
 Hispanum, cujus nec erat durable Regnum,  
 Qui de Dalmatii letho perterritus extans,  
 Cui caput arripuit, nulli se credidit unquam.  
 Hæc timidus memorans binos sibi reperit utres,  
 Et vacuas inflans multo sufflamine pelles,  
 Intro commissis cohibet spiramina filis:  
 Sic Hispanus Alas pro navi pellibus usus,  
 Per freta longa natat, credas delphina natantem,  
 Equore diffugium facit hic, sociosque reliquit.  
 C Perfringunt muros urbis Pisana domosque  
 Agmina, per factos aditus castella trahuntur.  
 Artibus, ingeniis, augmenta per aëra crescunt  
 Artificum studio, cupisq; laborat & hospes  
 Alterutri parti nimis dare damna ruina.  
 Saxa, lapis, cespes, latè fundamina fossæ,  
 Intus jacta replent, muris castella propinqua  
 Consistunt, durus paries berbece foratur,  
 Turres alterno conduntur in arce labore,  
 Fulcra superponunt, pretiosaque pallia, telas,  
 Quæ sua non faceret multo mercator in auro.  
 At sub castello positi de mœnibus ignes,  
 Sulphureas mittunt per aperta foramina flam-  
 mas,  
 Quas haustæ puteis poscunt, & fontibus undæ.  
 Extinctas Latii flammæ, torresque putabant,  
 D Clam vigiles sed erant: tunc alta palatia moles,  
 Et tormenta petunt, certant cum turribus unci,  
 Funibus & tractæ ducuntur ad infima turres.  
 Postque dies aliquot furtivæ robora flammæ,  
 Creverunt subitus, fumus quoq; qualis ab Æthna  
 Progreditur, tetro quando Vulcanus in antro  
 Concitat igniferas plenas caligine nubes.  
 Tunc properè poscuntur aquæ, superadditur  
 unda,  
 Sed projecta nequit tectas extinguere flammæ.  
 Castellum mox retro trahunt, dum desinat ignis.  
 A proprio postquam cessavit flamma calore,  
 Ingeniosa cohors castella reducit ad arcem.  
 Percutiens aries impulsu præpete turrim,  
 Robora celsa quatit, labuntur ad infima cautes.  
 E Interea Sæchi cum binis cessit ab arce  
 Militibus, pueris comitantibus, atque puellis,  
 Et dedit Alphæis pretium finè nomine multum;  
 At reliqui flammis sese donare minantur  
 Quidquid habent pretii, nisi libertate potiti,  
 Ad quæcumque velint loca permittantur abire.  
 Alphæi contra referunt: vos perdat, & aurum  
 Cunctipotens vestrum, qui tam perversa putatis.  
 Carius est etiam vos tali morte resolvi  
 Nobis, quàm Baleæ pretiosa, vel optima quæque.  
 Gerionæa manus non talia percipit aure.  
 Tormentis Alphæa cohors circumpetit arcem,  
 Constituitque duos mirando robore pontes,  
 M Mœ-

et reliquos gladio violentur eodem

Appetot

Fin. A. num

et hanc

Orn. orn. horr.

Fin. R.

Barcer.

Tunc

solitus

reperit

f. 61.

y

f. 44.

Fin. P.

cl

scinque

cor. aus duos

f. aperta

d. exst

f. 62.

n. perp

Latere

n

f. 44.

Lata decem fuit hec undenis pa. scribis alta